



Devisão Relações Públicas, Comunicação e Educação Cívica

Agenda Nº 47/III (1) Reunión Plenária Terça-feira, 05 de Fevereiro de 2013

Sesaun Plenária ba loron ohin nian, prezide husi Presidente Parlamento Nacional Sr. Vicente da Silva Guterres hamutuk ho Iº Vice Presidente Sr. Adriano do Nascimento, IIº Vice Presidente Sr. Aderito Hugo da Costa, Secretária Mesa Sra. Maria Fernanda Lay, Iº Vice-Secretária Sra. dep. Angelina de Jesus Machado no IIº Vice Secretária Mesa Sra. dep. Angela Maria Corvelo Sarmiento.

Plenária ohin nian, participa mos husi Primeiro Ministro Sr. Kay Rala Xanana Gusmão, Vice Primeiro Ministro Sr. Fernando La Sama de Araújo no membru V Governu no partispa mos Presidente Partido FRETILIN no eis-Presidente Parlamento Nacional Sr. Francisco Guterres Lu Olo no eis-deputadu Sr. Manuel Tilman.

Periodo da Ordem do Dia ho agenda únika:

Diskusaun ba jeneralidade da Proposta de Lei n. 2/III (1) kona ba “Orsamentu Geral do Estado da República Democrática de Timor Leste 2013”

Presidente konvida Primeiro Ministro Sr. Kay Rala Xanana Gusmão hodi responde ba Rekomendasaun Parlamento Nacional nebe hato’o liu husi Relatorio no Parecer Komisuan C.

Primeiro Ministru Sr. Kay Rala Xanana Gusmão, hato’o katak Governu sei responde uluk ho buat nebe maka iha ligasaun ho makroekonomia no makro politika, Governu agradese ba kontribuisaun nebe maka mai husi Bankada Parlamentar FRETILIN nebe foka liu ba makro ekonomia nebe bele lori dezvoltamentu no hare ba reseita no despeza sira. Governu mos hare ba vizaun no planu atu to’o iha nebe tamba prosesu Dezenvolvimentu ne’e prosesu ida que naruk hodi hatudu saída maka ita hakarak, maibe la hare ba vizaun jeral hanesan sosial, kultural no ekonimiku. Agora dadauk Bayu Undan ho Kitan maka sei fo’o osan ba ita tamba fatin rua ne’e foin halo eksplorasau no ita sei hare ba Costa Sul tamba ida ne’e maka sei sai motivaun boot ba Timor Leste tamba iha neba iha área hotu-hotu, Governu sei rezolve kompañia nebe maka hatama trabalhador sira husi China, Filipina no Vietnam maibe ita mos tenki hare katak ita nian trabalhador sira ne’e nia kultura nebe servisu horas ida no fuma 30 minutos, kona ba kestaun boa Governunasaun tamba ida ne’e maka hare hela problema nebe mak mosu iha funsaun publika sira.

Ministra Finansas Sra. Emilia Pires koalia kona ba kestaun teknika husi Relatoriu no Pareser husi Komisaun C. kona ba retornu ba Fundo Petrolifero, to’o ohin loron Governu investe ona 20% iha aksaun no Governu iha tarjetu to’o 40% hodi nune’e bele neutraliza retornu nebe

kiik husi Bons no agora dadauk tama hela iha prosesu duadesimu hodi atende nesessidade hotu-hotu.

Depois Primeiro Ministro ho Ministra das Finansas halo resposta ba Rekomendasaun Parlamento Nasional nian, Presidente fo tempu ba Señor deputadu sira atu halo intervensaun kona ba :

- Kona ba Projecto PDD atu iha semetria entre área urbana ho área rural, maibe projektu PDD hirak ne'e la la' o ho diak no ekonomia Timor Leste la' o deit iha Cidade Capital;
- Kona ba intervensaun husi Sr. dep. Mari Alkatiri nebe representa Bankada Parlamentar FRETILIN iha Debate OGE 2013 liu-liu kona ba politika fiskal;
- Husu ba BNCTL no Secretário Estado Sector Privado atu fo kapasitasaun ba povo agrikultor hodi nune'e bele hasa'e produsaun agrikula;
- Kona ba merkadu rai laran, oisan ita bele normaliza no garante presu ba iha merkadu rural tamba problema fos ne'e problema ida que boot tebes;
- Levantamentu nebe halo iha 2010 kona ba rendimentu no despeza ba kada uma kain, rezultadu oinsa ona;
- Kona ba Timor Leste ba futuro atu la' o ba nebe tamba ida ne'e maka alokasaun OGE ne'e tenki tuir nesessidade povo nian?
- Kona ba inflasaun nebe la' o maka' as iha Timor Leste, politika saída maka Governu halo hodi redus inflasaun no luta kontra pobreza;
- OGE 2013 ho valor ida boot no inkuli mos ajuda husi maluk paseiru sira;
- OGE 2013 ladun iha equilibriu iha distribuisaun;
- Kona ba implementasaun PDL, Pakote Referendum no PDD, hodi nune'e bele kapasita emperezário ki'ik iha distritu sira;
- Programa kriaun Municipios hodi nune'e bele hatene liu nesessidade povo sira nian, nebe deputadu sira husu atu aselera kriaun Municipios;
- Kona ba OGE nebe depende liu ba Fundo Minarai;
- Investimentu ba rekuru humano ne'e importante tebes no sira nebe maka formadu ona se bele Governu bele aproveita hotu;
- Sa kriteriu maka Governu uza hodi aloka orsamentu ba distritu sira la hanesan;
- Tamba saída maka Governu aloka orsamentu ki'ik ba sektor agrikultura;
- Kona ba emperezáriu sira uza traballador sira husi rai li'ur tamba mentalidade Timor oan no mekanismu saída maka Governu uza hodi resolve problema ida ne'e;
- Fo' o parabéns ba Governu tamba prepara OGE ho diak no hare duni povo nia nesessidade no louva Sr. dep. Mari Alkatiri nebe maka fo kontribuisaun diak iha inisiu intervensaun Bankada Parlamentar FRETILIN.

Presidente fo tempu ba Primeiro Ministro atu responde pergunta sira nebe maka mai husi Señor deputadu sira. PM hato' o katak ekonomia la konsentra iha kapital deit maibe sirkula mos iha áreas urbanas no rurais, hodi nune'e maka Governu kria PDL, Pakote Referendum no PDD hodi kapasita emprezariu lokal no kria kampu servisu ba povu iha areas urbanas no rurais, agora dadauk movimentu kareta ba areas urbanas boot tebes-tebes tamba kareta fuzu boot maka lori sasan ba distritos, sub distritos no sucos. Governu mos koalia ona ho Governu Indonesiu hodi hatama sasan husi Atapupu hodi nune'e bele hetan presu baratu hosi Indonesia no tula fali mai Atabae. Presidente SBY dehan ita tenki estuda di-diak idea ida ne'e. Koalia mos ho Sucofindo hodi kontrola sasan nian folin. Intervensaun iha ekonomia iha forma oin-oin hodi bele kontrola sasan iha merkadu. Koalia kona ba inflasaun, Governu halo esforsu bele kontrola ekonomia para la' o diak maibe nesesidade ita nian povu loron ba loron sae ba beibeik. Los duni Governu depende liu ba Fundo Minarai maibe Governu jere ho prudensia tamba ida ne'e reseita sira, ita labele hasa'e impostu husi salariu, sigaru no tua tamba ida ne'e labele kobre orsamentu, la' os deit tamba Greater Sunrise maka haruka ita dezenvolve Costa Sul maibe area Costa Sul iha potencia ida que boot ba futuro Timor Leste. Governu rekoñese katak povu moris iha mukit nia okos maibe Governu aloka orsamentu hodi hadi' a povu nian moris. Kona ba efikasias no efisiensias, Governu esforsu hotu maibe husu nafatin apoiu husi Señor deputadu sira liu programa OGE ne'e, atu koa OGE Governu la konkorda, medidas kona ba inflasaun Governu sei halo kontole ida que maka' as hodi nune'e Lojas sira labele hasa'e folin tuir sira nia hakarak.

Depois de ida ne'e, Presidente fo fali tempo ba Minintra das Finansas atu halo intervensaun breve kona ba pagamentu ba Projectos hotu nebe Governu hato' o katak pagamentu hotu tenki hetan sertifikadu husi ADN no kualker projectu mais de USD 500 mill tenki liu husi Tribunal de Contas ida ne'e Lei maka haruka.

Depois de ida ne'e, Presidente fo fali tempo ba Señor deputadu sira hodi halo komentariu kona ba OGE 2013 nian. Tuir deputadu sira katak OGE 2013 bazeia ba PEDN nebe maka hetan ona aprovasaun iha PN no OGE 2013 atu haburas Dezenvolvimentu iha Timor Leste, sei hadia ferik katuas, veteranu sira no aleijadu nia moris ba oin, OGE 2013 tuir deputadu sira ekilibradu tebes tamba kobre areas hotu-hotu. Ita nian agrikulutra tenki forte tamba agrikultura iha Timor Leste ne'e seidauk maksimu. Husu ba Governu atu kontrola sasan iha merkadu tamba hodi nune'e maka bele kontrola sasan nian folin. Kona ba aumentu estrutura membros Governu hodi nune'e afeta ba aumentu iha OGE 2013. Kona ba reseita domestika hira maka kada ministério fo kontribusaun ba OGE, kona ba dividas públicas tamba iha kusto balun tenki selu kada tinan. Husu atu Governu investe OGE 2013 iha infra-estruturas básika hanesan estrada no be mos, deputadu sira preokupa ho Projecto PDD nebe maka consegue remata iha OGE 2012 maibe Governu aloka fali iha OGE 2013. Laiha treinamentu husi esensionistas sira ba povu agrikultor tamba Governu ladun fo importansia ba setor agricultura. Kona ba pareser husi Ministra das Finansas hodi fo projetu ba nia laen, kona ba politika edukasaun nian,

Depois Senhores deputados sira halo intervensaun no komentariu, Presidente Parlamento Nacional enserra Plenaria tamba horas to' o no husu ba Governu atu prepara an di-diak hodi responde preokupasaun nebe mai husi Senhores deputados sira no sei continua fali iha Quarta-feira loron 06 fulan Fevereiro tinan 2013 oras 09H00.

Cumprimentos

Devisão Relações Públicas, Comunicação e Educação Cívica